



JUDICIAL SYSTEM MONITORING PROGRAMME PROGRAMA DE MONITORIZAÇÃO DO SISTEMA JUDICIAL

Komunikadu Imprensa

Edisaun : Feveireiru 2010

Periodu : Feveireiru 2010

UNIDADE JUSTISA BA FETO HALA`O TREINAMENTU IHA SUB DISTRITU ILIOMAR DISTRITU LAUTEM

Iha loron 18-19- Feveireiru 2010, Unidade Justisa ba Feto iha JSMP, hala`o treinamentu iha Sub Distritu Iliomar Distritu Lautem ho nia tòpiku “ *Violensia Bazea ba Jéneru no Asesu ba Justisa Formal*”

Treinamentu refere, partisipa husi lideransa lokal feto, mak hanesan Representante Feto no Representante Juventude Feto ne`ebe mak hanesan mos membru konsellu Suku husi kada suku iha Sub Distritu Iliomar.

Materia ne`ebé mak fo iha treinamentu mak hanesan: Direitus Umanus en Jeral (*kobre definisaun kona ba direitus umanus no liberdade ne`ebe maka ema hotu-hotu iha, inklui direitu sivil, politika, sosial ekonomia no kultura*), Direitu Feto (*inklui direitu feto hodi refere ba konvensaun internasional ba eliminasaun diskriminasaun hotu-hotu kontra feto no provizaun sira iha konstituisaun no lei posterior sira seluk*), Generu no Papel Sosiedade iha Komunidade (*inklui igualdade Jéneru no papel sosiedade ka comunidade atu hamenus ka kontra violensia bazea ba Jéneru*) Prosedementu Legal ba kazu Violensia Bazea ba Jéneru (Prosedementu Legal Bazea ba Kódigu Prosesu Penál aplikavel)

Treinamentu ne`ebé mak hala`o ho objetivu atu:

- Hasa`e kapasidade no kuñesementu partisipantes sira kona ba isu sira Direitus Umanus, Direitu Feto, Jéneru, Prosedementu Legal ba Kazu Violensia Bazea ba Jéneru,
- Atu hasa`e kuñesementu partisipantes sira kona ba kuadru legal nasional no internasional ne`ebé garante no fo protesaun ba feto.
- Hasa`e kapasidade no kuñesementu partisipantes sira (membru konsellu suku) atu bele hatutan informasaun ne`ebé mak hetan durante treinamentu no liu-liu atu ajuda vitima sira violensia bazea ba Jéneru.
- Hamenus volume diskriminasaun no violensia bazea ba Jéneru no hasa`e asesu ba iha justisa formal.

Treinamentu refere hetan antusiasmu husi partisipantes sira, tamba treinamentu ho topiku Jéneru no Asesu ba Justisa, foin mak *primeira vez* sira hetan. Partisipantes sira mos sujere atu treinamentu hanesan bele nafatin hala`o iha futuru, tamba comunidade sira iha area rural, persija tebes informasaun hanesan ne`e. Sujere mos atu treinamentu iha futuru bele inklui mos mane sira, tamba mane sira mos presija atu hatene informasaun hanesan.

JSMP espera katak ho treinamentu ne'ebé mak hala'o ona bele ajuda hasa'e kuñesementu no kapasidade fetu sira liu-liu lideransa lokal sira hodi bele ajuda vitima violensia bazea ba Jéneru hodi nune'e volume Violensia Bazea ba Jéneru bele menus no asesu fetu ba justisa formal bele sa'e maka'as.

Atu hetan informasaun klean favor kontaktu:
Luis de Oliveira Sampaio
Diretur ezekutivu JSMP
Diresaun E mail: luis@jsmp.minihub.org
Landline: 3323883